

Entrevista exclusivo cu Johnny Schaarbaay

MAESTRO MUSICO PIANISTA JOHNNY "BACK IN TOWN"...

****** Despues di diez aña na Hulanda, e gran musico Arubano Johnny Scharbaay ta bek riba su isla natal. E biaha aki Johnny a bin pa establece su mes defenitivamente, den cual ya caba e ta preparando pa su trabao nobo na Instituto di Cultura y tambe como docente di piano na Arubaans Muziek School.

Johnny Scharbaay no ta un musico desconoci na Aruba, ya cu el a forma parti di varios agrupacion musical popular como tecladista, manera entre otro; Cryptus Confession, Musical Time, Papito y su Doble Sabor y Sound and Harmony. Tambe Johnny a traha como musico di hotel den varios ocasion, prome cu el a viaha pa Hulanda.

Na aña 1986 Johnny a dicidi di bay sigui studia musica na Hulanda, pa cual tambe el a logra su meta como maestro di musica y piano na Sweelinck Conservatorium Amsterdam.

Pa logra e meta aki, no tabata algo facil segun Johnny, ya cu e seleccion pa drenta den e conservatorium aki tabatin su exigencianan hopi fuerte.

E exigencianan fuerte di e conservatorium aki tabata encera; oido musical, repertorio clasico y di jazz, tanto como bo abilidad pa improvisa riba structuranan musical.

Pero debi cu semper Johnny tabatin su meta firme dilanti dje pa logra, y tambe danki na e talento cu DIOS a dune, el a sa di triunfa como maestro di musica y piano.

E studio aki tabata exige hopi sacrificio y dedicacion, pero Johnny a duna di conoce, cu amor y pasenshi bo por logra cumpli cu tur sorto di meta.

Tambe Johnny a sigui un curso di dos aña cu un beca di UNOCA, pa specialisa su mes den tecnologia di musica. Esaki tin di haber cu tur e aspectonan tecnologico musical, esta composicionnan cu ayudo di computer, sounddesign, studiotech-

niek, synthesizer program por a compronde for di e maestro musico aki.

Johnny ta sumamente contento di por ta bek na Aruba, cual semper tabata su deseo pa bolbe como maestro di musica, pa cual awor e por sigui engrandece y contribui na nos cultura musical.

E maestro musico pianista a declara na DEN AMBIENTE cu e tin hopi proyectonan pa bay cristaliza den futuro sercano, pa cualnan na nan debido tempo lo ser anuncia.

DEN AMBIENTE ta desea maestro Johnny Scharbaay hopi exito cu su trabaonan tan importante, cual sin duda ta di gran valor na bienestar y progreso di nos cultura musical...

ming, filmscoring y musica pa jingle (comercio).

Prome cu Johnny a viaha pa Hulanda pa logra e meta aki, ya na Aruba caba el a sa di prepara su mes debida-

mente, ricibiendo lesnan di piano y musica en general serca su tianan musico Victor y Raffy Camacho.

Tambe serca Maybeline Arends-Croes, Roberto Montiel, Armando Lorenzini y Rick Ehling, Johnny a ricibi lesnan di piano, areglo, composicion y improvisacion.

Den su tempo liber cual tabata masha limita, Johnny tabata forma parti di varios agrupacionnan musical hopi popular na Hulanda manera esnan mas conoci aki na Aruba y Antillas; Unisono, Baccanal y Siembra cual ultimo tabata su propio grupo.

Ultimamente prome cu Johnny a bolbe Aruba, el a produci un disco compacto hunto cu Siembra. E CD aki titula "Abriendo Barreras", ta aparece diez cancion bailable.

E intencion tras di e produccion aki, ta pa lanze riba mercadonan internacional, segun DEN AMBIENTE



BRASSBAND NOBO "UNITY R.B." GRABANDO NAN PRODUCCION...

****** DEN AMBIENTE tabata presente den Cristal Sound Factory, na momento cu e brassband nobo "UNITY R.B." tabata realizando e grabacion pa nan hit promocional "Sacudi".

E hit promocional aki ya caba ta zona riba nos radio-emisoranan y tin pasta pa ser un super hit durante e ambiente di carnaval na hermana isla Curacao.

Durante un entrevista breve realiza cu Otmar Oduber kende ta fungi como relacionista publico di e brassband aki, Otmar a declara cu e brassband ta forma pa diferente integranan di Bad Boys y Academy Brassband. E number "UNITY R.B." ta nifica "Union den Ritmo y Brass".

Net despues di cambio di aña nobo, nan a cuminsa ta ensaya den un forma agresivo, pa asina bay impone un ambiente total durante e temporada di carnaval. Nan a ensaya un repertorio totalmente nobo y

bon varia, cu sigur lo bay cay na agrado di un i tur.

Awenochi nan lo presenta in-oficial durante e fakkeltocht, mientras oficialmente nan lo bay sali otro

siman den un forma cu yen di fanfaria, cual ainda ta pendiente pa e lugar.

Pa esnan cu ta interesa pa cualkier toca of contract, por tuma contacto cu Gre-

gory Raven na tel; 61551 of tambe 76503. DEN AMBIENTE ta desea "UNITY R.B." hopi exito durante e temporada di carnaval 42 sin "donderboos"...

